

etiam fons est, ut scribit Giraldus, qui naturali die, bis undis deficiens, & toties exuberans, marinas imitatur instabilitates.

Cantred
maur.

Ab Aquilone autem longe patet *Cantred-Maur*, id est, *Centuria Magna*, tutissimum olim Britannis perfugium, utpote quæ sylvis densa, confragosa, & collium flexibus viæ implicatæ. Ad Austrum *Talcham* & *Lhan-Stephan* castra marinis scopulis inhaerent, quæ bellicæ virtutis, cum in Anglis, tum Britannis testes sunt locupletissimi. Sub *Talcham* in mare effunditur *Taf*, ad cuius ripas olim celebris erat *Twi Gwinar Taf*, id est, *Domus alba ad Taf* flumen, quod ex corylis albis pro æstivo domicilio constructa fuit, ubi anno reparatæ Salutis

Talcham.
Lhanstephan.
Taf. fl.

* Hælius.

DCCCCXIII, * Hoël cognomento *Bonus*, Walliæ princeps, frequentibus Comitibus (conveniant enim, præter alios, Ecclesiastici Ordinis centum quadraginta) antiquatis majorum institutis, novas leges suo populo tulit, ut testatur ipsarum legum proœmium. In quo postea loco monasteriolum extructum, quod *White Land* dixerunt. Vnde parum distat *Killmayn Lloyd*, ubi nuper rustici inciderunt in vas figulinum, quo lauit magna vis Romanorum numismatum ex argento minus puro. A Commodi scilicet tempo-

White land.

re, qui argentum primus Romanorum Imperatorum adulteravit, usque ad V Tribunitiam potestatem Gordiani tertii, quæ coincidit cum anno Christi CCXLIII. Inter hæc fuerunt Helvii Pertinacis, M. Opellii Antonini Diadumeniani, Iulii Veri Maximi filii Maximini, Cælii Balbini, Clodii Pupieni, Aquiliæ Severæ uxoris Elagabali, & Sall. Barbiæ Orbianæ, quæ maximi pretii, utique rarissima, inter Antiquarios. Superest jam, ut memorem, ad *Tivy* fluvium, qui hunc agrum à Comitatu *Cardigan* disternat, situm esse *Novum castrum*, sic hodie vocant, quod Rhesus *Ap Thomas* vir bellicosus, qui Henrico Septimo in regno adipiscendo præsto adfuit, & ab eodem merito in Georgiani Ordinis societatem adscriptus renovavit, prius enim *Elmelin* dicebatur. Quod nomen si Angli ab ulmis fecerint, non aspernanda est eorum conjectura qui illud *Dimetarum LOVENTIVM*, cujus meminit *Ptolemæus*, volunt: ulmos enim *Lhwiffen* vocant Britanni. Quum vero qui Normannorum primi hanc regionem Wallorum Principibus extorserunt ex historiis eruere non possim, ut ad *Penbrochienses* nunc me conferam, ordo postulat.

Numi-
finata Ro-
mana.

New-
castle.

Loven-
tium.

Paræcias habet 87.

